

四庫全書

史部

欽定四庫全書

史部

四川通志卷二十九下

詳校官監察御史臣李陽樞

檢討臣德生覆勘

總校官編修臣王燕緒

校對官待詔臣胡士震

謄錄監生臣王志遠

欽定四庫全書

四川通志卷二十九

陵墓

周官冢人掌公墓之地既辨其兆域而為之圖乃請度甫窆重其事也第封之若堂矣封之若夏屋矣而苟非生時功德在人其不至蕪沒於豐草者幾何哉蜀自蠶叢教織杜宇訓農佳城鬱鬱固係人思至昭烈再延漢鼎侔德兩京惠陵猶在歲時

伏臘走村翁馬且其一時賢將佐以暨歷代忠孝
節烈之倫藝文之士凡遂首丘而安窀穸者詎非
抑下季壟比耶茲為攷其銘誌詳其塋域以示方
來知過墟而生哀者當與入里必式有同情也作
陵墓誌

成都府

古蠶叢氏墓

在成都縣西南隅聖壽寺側金花橋東

魚鳧王墓

在溫江縣北二

十五里

蠶女墓

在什邡綿竹德陽三縣界

夷王墓

在新繁縣西北二十里

周杜宇墓

在郫縣西北一里

鼈靈墓

在郫縣西南五里與杜宇墓對峙

蜀王

開明墓

在成都縣西北隅武擔山下

杜康墓

在新繁縣西十五里

商瞿墓

在雙流縣南八里應天山下

漢昭烈帝惠陵

在華陽縣南八里旁即漢廟

雍齒墓

在什邡縣南一里墓高四

丈濶四畝有石麒麟二

司馬相如墓

在灌縣東十二里

何武墓

在郫縣南

二里宋趙抃為建祠

卓王孫墓

在崇慶州東二十里

陳立墓

在崇慶州東南三十

里王渙墓

在新都縣北十三里

嚴君平墓

在崇寧縣西南二十里

揚雄

墓

在郫縣西二十里

許靖墓

在成都縣西二里

公孫述墓

在雙流縣西四

里公孫述女墓

在崇慶州東十三里高三丈周圍二十步相傳此冢曾以銅網絞絡

五侯剛墓

在新繁縣西十里

趙典墓

在成都縣西竿橋側

馬融墓

什

邛縣西二十里

費貽墓

在華陽縣東南十九里

向洪墓

在華陽縣東十五里

關

帝墓

在華陽縣南萬里橋側帝歿於吳昭烈以衣冠招其魂葬此

張桓侯墓

在

陽縣南萬里橋側侯為帳下張達所殺持其首奔吳昭烈收屍裝首葬此又保寧府城內府治左有

張桓侯墓明弘治中黎典膳築牆四十七丈重修祠宇立石有記

馬超墓

在新都縣南三

里張任墓

在漢州北關外

晉李雄墓

在成都縣北七里

唐王建墓

在成都縣西二里

李淳風墓

在簡州西五十里

五代孟知祥墓

在成都縣北二十里又一統志在什邡縣龍居山龍潭右

杜光庭

墓

在灌縣西南清都觀後

宋陳咸墓

在成都縣北五里

范家墓

在成都縣北積善里范鎮范百祿冢咸在焉黃

庭堅有記

李大全墓

在簡州署右皇祐間大知州事卒葬於此

懷遠將軍

墓

在簡州東二十里姓名無考

長子墓

在簡州北七十里東新山姓名無考

許奕

墓

在簡州乾封門外

劉光祖墓

在簡州北二十里地名官墳溝

元杜圭墓

在新都縣東北二里

明蜀獻王墓

蜀靖王墓

俱在成都縣北三十里天回山

悼莊世子

墓

崇慶王墓

俱在成都縣北十八里威鳳山

蜀端王墓

在華陽縣東十

五里嶺
靈山

蜀昭王墓

在華陽縣東二十里東山

黔江悼懷王墓

蜀僖王墓

俱在華陽縣東北三十里正覺山

蜀懷王墓

在華陽縣東二十里

東景山

南川安靖王墓

在華陽縣東二十五里東峯山

汶川懿簡王

墓

在華陽縣東南二十五里靈溪山

內江王世子墓

在華陽縣東二十二里東

暉山

蜀惠王墓

在華陽縣東北三十里芳山

慶符恭僖王墓

在新津縣

北木馬山

德陽僖安王墓

在新都縣南清泉山

崇寧王墓

在崇寧縣朝天

山永川莊簡王墓

在彭縣西北三十里大隋山

宋濂墓

在華陽縣東十

五里瀛初葬夔州永樂間蜀獻王命遷葬於北賜田八十畝以供祭祀

任漢墓

在溫江縣

東十里梁祖齡墓

在溫江縣東五里

梁祖堯墓

在溫江縣北

何漢

宗墓

在溫江縣北

祝洪舒墓

在溫江縣北五里

趙可教墓

在溫江縣

北十里白馬將軍墓

在溫江縣北五里

杜銘墓

銘官尚書莫全堂縣東三

十里楊春墓

在新都縣西一里

楊廷和墓

在新都縣西一里

喻夫人

墓

在新都縣南二十里延和元配

楊直墓

在漢州東四十里

戴節婦墓

在漢

州東楊處子墓

在漢州南十五里正德初為賊所執不屈投水死葬此

趙節

婦墓

在漢州南五里

胡倫墓

在漢州西五里

王安墓

在漢州北十五里

劉

希簡墓

在漢州北十里

趙杲墓

在漢州南十五里

周洪範墓

在漢州北

朱屏墓

在漢州北十五里

周滿墓

在漢州東二十五里

涂澤民墓

在漢州南十里

宋繼祖墓

在漢州東二十里

彭範墓

在漢州北十五里

何

教授夫婦墓

在府學明倫堂西獻賦而成都教授夫婦同殉難墓此名氏無考

重慶府

古巴子墓

在巴縣西北五里有石獸石龜各二石麒麟石虎各一即古巴用君冢

濮子

墓

在合州北五里

巴蔓子墓

在忠州西北一里

漢嚴顏墓

在忠州西南二十里又
一統志載在儀隴縣

唐長孫無忌墓

在彭水縣西信寧鄉顯慶間貶黔州死葬此

陸贄墓

在忠州屏

風山下玉虛觀南三十步宋林逋子詩云仁義百篇唐孟子排奸勸節凜秋霜人生一死固不免死

落忠州骨也否然歿時藁葬於此後已歸嘉興此特虛冢

柳玘墓

在合州西太平里

宋馮當可墓

在巴縣東銅鑼峽

杜莘老墓

在江津縣南杜村虞允文題為剛直

御史墓

田祐恭墓

在彭水縣東鹽井鎮

元向午鳳墓

在彭水縣東郁山鎮鳳凰山下俗稱狀元堡

明蹇義墓

在巴縣北五十里

江英墓

在江津縣北三河口

陳少南墓

在永

川縣旗山碑碣尚存

胡烈婦墓

在永川縣東五里

查烈女墓

在永川縣朱玉

寺北

胡子昭墓

在大足縣南七十里

保寧府

古墓

在蒼溪縣北昔有主簿金極治道伐石得一古冢遺骸尚存有石刻銘曰歲月不須論車塵擁

石門若逢金主簿移我
向高原因改葬於此

漢譙元墓

在蒼溪縣東北三十里今稱為譙元壩

費禕墓

在昭化縣西二里有碑記

鮑三娘墓

在昭化縣北十五里

甘寧墓

在通江縣西百里露洛溪上謂之甘谷寧

為吳將歿歸葬於此

鄧艾墓

在劍州北七十里

唐滕王元嬰墓

在閬中縣北玉臺觀

章懷太子墓

在巴州南一里太子有賢

韓武后見忌廢為庶人徙巴州使呂神積逼令自殺葬此

房瑄墓

在閬中縣城北瑄罷相貶

漢州刺史道卒僧舍葬此杜甫詩他鄉復行役駐馬別孤墳近淚無乾土低空有斷雲

丁大

夫墓

在閬中縣東名無考

楊文燦墓

在閬中縣西南一里

楊瓚墓

在閬中縣

北鮮于氏墓

在南部縣東南六十里仲通叔明皆葬於此有韓雲卿碑記

李希

侗墓

在南部縣南二里

宋王樾墓

在蒼溪縣西青山鎮

三陳母馮氏墓

在南部縣西二十里

陳堯

叟墓

在南部縣西北八十里堯佐堯咨墓皆在其旁

馬涓墓

在南部縣北二十里馬村

揚巨源墓

在昭化縣北十里

向佺墓

在通江縣東八十里大鍾山

李榮

祿墓

在通江縣北二百里土牆坪

黃裳墓

裳官至禮部尚書葬劔州東北兼山之陽

黃瑾墓

在其左呂元勳墓

在劔州西南廟山

朱勇墓

勇官統制以戰死葬昭化

縣郭外

明趙炳然墓

在劔州東卧龍山麓

白侍郎墓

在廣元縣西五里名無考

奇童

子墓

在通江縣城西崇禎間流賊佯扮為民襲城路遇童子令勿言童子佯應之及城門大呼

曰賊至矣賊怒殺之邑令嘉其義葬此莫詳姓名

皇清李先復墓

先復官尚書葬南部縣西南三里圓子山

順慶府

漢紀通墓

在西充縣北四十里龍宮山下
馮緄墓 在大竹縣北古賓城又一統志載在

儀隴縣治東南九域志蓬州有後漢車騎將軍馮緄墓在州南五里
王平

墓

在南充縣南十里

譙周墓

在南充縣北十里

晉陳壽墓

在南充縣南五里

梁陳侯瑱墓

在西充縣南十五里岷山下

唐程太虛墓

在西充縣南十里岷山下

宋何涉墓

在南充縣西北琉璃鎮西

李協恭墓

在儀隴縣北九龍山下

張唐

英墓

在廣安州東岳門山東南峯下初葬雙流

張

庭堅墓

在廣安州北

安丙墓

在廣安州南五十里

趙翼墓

翼官尚書葬西

充縣東三十里

徐愷墓

愷官丞相葬西充縣城

馬廷用墓

廷用官尚書葬西充縣東三十里

元太子墓

在岳池縣南八十里龍泉觀憲宗太子卒葬此

張大悅墓

在蓬州北三里

孝孫墓

在蓬州西二里相傳元初有孫負祖逃難遇賊逼害孫罵曰若輩不能救民反害民

乎賊怒殺之葬此莫詳姓名

明陳以勤墓

以勤官至大學士葬南充縣西三里棲樂山下

陳于陞墓

于陞官至

大學士莫南充縣
西二里金泉山下
韓士英墓
士英官尚書莫南
充縣西三十里
王

廷墓
廷官尚書莫南
充縣南五里
任瀚墓
瀚官侍講莫南
充縣西樓樂山下
黃

輝墓
輝官詹事莫南
充縣東十五里
張文淵墓
在西充
縣城西
李友柏墓

在西充
縣城西
王德完墓
在廣安
州南
吳伯通墓
在廣安
州東北

敘州府

古漢王墓
在慶符縣東七十里漢陽山墓最高大人
於無意中至其所往往見之有心往觀輒

不待
其處
孝子墓
在富順縣西五里聖燈山墓址表越
云漢益州刺史廣平郡侯羅孝子越

王墓
在長寧縣西南高廣各數丈以花磚砌之有
古柏合抱唐顯慶間太宗第八子越王貞為

綿州刺史

將軍墓

在慶符縣北四十里大
道旁朝代姓名無考

卒莫北

晉張麟夫人墓

在慶符縣
南一百里

隋楊諒墓

在富順縣七
里真武山下

唐黎幹墓

在宜賓縣四十里石馬
溪之上今石馬尚存

宋竇氏墓

在宜賓縣西三十里
世傳為竇禹鈞之墓

李文淵墓

在富順縣
東翠屏山

明周洪謨墓

在宜賓縣東
二里白沙岸

劉之綸墓

在宜賓縣南十
五里七星山後

吳道宏墓

在宜賓
縣西

樊一衡墓

在宜賓縣
西二十里

晏鐸墓

鐸官

御史莫富

李本墓

本官尚書莫富順縣
東五里龍溪岸上

范珠墓

珠官

御史奠富順
縣梯子崖
李韶墓韶官布政使奠富順縣北鳴鶴鎮
甘為霖墓

霖官尚書奠富順縣
西三十里几山下
阮盛墓在富順縣東海棠壩
范鈐墓鈐官

太僕少卿奠富順縣
南觀音溪
范弘毅墓
范岷彙墓弘毅官食事岷彙成

進士俱奠富順縣
北蔡家溪
李長春墓長春官尚書奠富順縣東龍溪上
范鑛

墓鑛官司馬
富順縣東
李鳳墓鳳官副使奠富順縣東龍溪上
范懋和墓

懋和官參政奠富順縣
西廖家橋
阮良選墓在富順縣東海棠壩
文處士墓

在富順縣城
西名無考
萬邦憲墓在富順縣東十五里石貢山
郭成墓在

縣南八十里成官總兵
平九絲都蠻陣亡奠此

直隸叙永廳

明沈權墓

在永寧縣西三里

僊婆墓

在永寧縣西烏降山下銅鼓溪崖相傳有女子

名蒲者有道行及井不字能前知吉凶卒葬此

夔州府

周楚故陵

在奉節縣西接雲陽界水經注江水經故陵北江側有六大墳庾仲雍曰楚都丹陽

時所葬故以故陵為名

楚襄王墓

相傳在巫山縣東楚宮前

漢甘夫人墓

在府治內鎮峽堂後即昭烈帝后也

扶嘉墓

在雲陽縣北二十里

唐張滂墓

在巫山縣東橋子溪傍

孫浦墓

在巫山縣東北峯寺前

李遠墓

在雲陽縣
五峯山麓

狀元墓

在巫山縣北二
十里姓名無考

玉女墓

在新寧
縣北五

里觀音
山下

李刺史墓

在新寧縣
東名無考

冉仁才墓

在萬縣東
三十里

宋王文義墓

在巫山縣
西門外

韓將軍墓

在巫山縣西
十里名無考

邵嗣

翁墓

在雲陽縣北
演易堂前

李應鳳墓

在雲陽
縣西

明邵仲祿墓

仲祿官侍郎
葬奉節縣
東北六十里
廨香山

余文墓

在奉節
縣西洪

武中以御史
外謫卒葬此

來知德墓

在梁山縣
西十里

嚴觀民墓

在開
縣西

永樂中太
守卒葬此

皇清李烈女墓

在梁山縣
西一里

龍安府

五代宋李膺墓

在彰明縣西南二十五里

梁李龍遷墓

在平武縣東南一百二十里武陵王使龍遷築城於牛心山卒葬山側

宋羅任羅光墓

在平武縣東麓盤山兄弟侍郎歿許合葬於此人呼為雙鳳侍郎墓

鼎墓

鼎官尚書葬平武縣牛心山

孫貴墓

在平武縣東五里

明任待制墓

在平武縣東北袁烈婦墓在平武縣東十里生員嚴

庸之妻與夫合葬墓前有旌表坊

雅州府

漢姜維墓

在蘆山縣內東北隅金井閭人呼為漢大將軍墓

樊敏墓

敏官巴郡太守

建安中卒葬蘆山縣南七里

高孝廉墓

在雅安縣北二十里高貫方及弟貫光子文玉

一門皆舉孝廉葬此故名

唐三王墓

在清溪縣東五里唐史恭化郡王劉志遠和義郡王郝全信遂寧郡王楊清遠使伺

南詔於邛黎之閒卒葬此

直隸嘉定州

雍正十二年陞為府

周榮夷公墓

在榮縣南十里

漢二楊墓

在夾江縣東二十里前有二石柱一隸書漢益州太守楊宗字德仲墓道一隸書漢

中書令楊暢
字仲晉墓道

南北朝梁王墓

在夾江縣北五里梁武帝封其
第十子信於蜀郡後卒葬此

宋毛朝弁墓

在洪雅縣北
月珠山後

邵博墓

在犍為縣南五里
博伯溫子康節孫

為西州制置司
參議卒葬此

陳天佑墓

在犍為縣南
門外有墓表

楊見素墓

在榮縣
南二里

王夢易墓

在榮縣
北四里

尤袤墓

在榮縣南
二十里

劉光

墓

在榮縣南
二十三里

勾龍湜墓

在榮縣南
十二里

王庠墓

在榮縣
南二十

里宋朝散大夫賜號廣遜
諡靖節公呼為靖節墓

明張可述墓

在洪雅縣
西百子沱

直隸眉州

周彭祖墓

在彭山縣東十五里彭亡山蘇轍詩猖狂戰國古神仙曳尾泥塗老更安厭世乘雲

人
不見空墳
聊復葬衣冠

漢張綱墓

在彭山縣岷山東二里

晉李密墓

在彭山縣志李橋北

唐花卿墓

在彭山縣東東江鎮

宋蘇洵墓

在眉州墓頭山之東二十餘里地名老翁泉

孫抃墓

在眉州南石佛鎮

楊素墓

在眉州北十五里

楊成墓

在眉州北一里

史通墓

在眉州南十五里

五里宋元祐間進士任石鰓令李肅墓丹徒官學士墓樊漢炳墓丹徒縣北十里

在丹徒縣北石牛山唐庚墓在丹徒縣西飄然山李壁墓在丹徒縣龍山洞霄宮

右程掌墓在丹徒縣西橫石山李壘墓在丹徒縣樓雲寺

明莊懿王墓在彭山縣盤龍山五子墓在彭山縣象耳山內江王

第五子余子俊墓子俊官尚書墓青神縣西三十里

皇清岳昇龍墓昇龍官四川投野卒墓彭山縣南三十里金剛山

直隸邳州

漢趙雲墓

在大邑縣東二里有石碑上刻漢奸趙子龍之墓

唐黃崇嘏墓

崇嘏為邛州才女幼時偽作男子以詩謁蜀相周庠庠愛其才欲妻以女崇嘏

以詩辭方知其為女也卒葬州西銅鼓山人因呼為崇嘏山云

宋李棠墓

在邛州西十五里宣和中棠為州守卒葬此

尚書墓

在邛州東北姓名無

考魏了翁墓

在蒲江縣北五里潘家山有神道碑

明梁謙墓

謙科學浙江葬邛州東四十里

王聘墓

在邛州東十五里

劉應宸

墓

在邛州西二十里

劉綱墓

綱官編修葬邛州西二十五里

王廷簡墓

簡

按察使莫邛

孫之益墓

益官太僕卿葬邛州西十里

直隸潼川州

雍正十二年陞為府

漢鄧芝墓

在達溪縣南一百里又輿地紀勝在梓潼縣西南二里有二石閣

晉段宗仲墓

在射洪縣北十里

隋姚萇墓

在樂至縣北六十里

唐陳子昂墓

在射洪縣東南二十里獨坐山下

楊炯墓

在潼川州北長平山嚴

震墓 嚴礪墓

俱在鹽亭縣西負戴山下

孫樵墓

在遂寧縣西門外馮

涓墓

在達溪縣北歸仁鄉

賈島墓

在安岳縣南三里

後唐夏魯奇墓

在遂寧縣治後忠井側魯奇於天成四年守遂州殉難葬此

宋蘇易簡墓

在潼川州西南十二里

文同墓

在鹽亭縣東北馮伯瑜墓

在鹽亭縣東南 一百二十里 楊輔墓 在遂寧縣西二里佛現山下 文庶幾墓

在遂寧縣西 六十里 牙山 崔毅墓 在蓬溪縣西明月山 程崇墓 在蓬溪縣西南二十

里孝義臺 杜孝巖墓 在安岳縣南六十里 多岳墓 在安岳縣西一里 馮山

墓 在安岳縣東五里 茗山鎮 牟衮墓 在樂至縣東北龍魚山 胡中憲墓 在樂

至縣南三十里 碑字剝落年代無考

元趙慶墓 慶官中丞 葬潼川 趙世卿墓 世卿官尚書 葬中江縣南

九十里 銅山

明徐英墓 在中江縣西五里 王惟賢墓 在中江縣南九十里 黃珂墓 在遂

寧縣西南二十里鳴鐘山余本實墓在遂寧縣北十五里玉堂山王暄墓在遂

寧縣西六十里半月山下席書墓在蓬溪縣西泯水壩

皇清張鵬翮墓鵬翮官至大學士墓在遂寧縣

直隸瀘州

周尹夫人馬氏墓在瀘州東尖峯山尹吉甫夫人伯奇母也

漢董允墓在瀘州東人呼為董允壩

唐先汪墓在合江縣西五里唐時神童卒葬此宋劉望之為立碑

宋老母墓在納谿縣北宋時節婦姓名無考

元劉諶墓

在瀘州城北小市

明陳諶墓

在瀘州北天順間州守卒墓此

直隸資州

古冢

在井研縣西十里時代姓名無考

牢固冢

在仁壽縣東南六十里高一丈五尺昔蒯

參至孝墓母於此修墳牢固故名

漢王褒墓

在資陽縣西北十五里有石碣高一丈字已磨滅

董鈞墓

在資陽縣北二

里穆侍郎墓

在資陽縣栗林鎮碑字剝落名無考

唐范崇凱墓

在內江縣西北花萼山後

五代花藥夫人墓

蜀王建夫人墓資陽縣北五里蓮花峯前

宋張方墓

在資州北十里

陳留夫人墓

在資州西七十里

支漸墓

在資

陽縣東寶臺山前

陳轉桂墓

在資陽縣東三里水南街道旁祠傾殘碑猶存

馬積

祿墓

在資陽縣北十里

陳昌言墓

在資陽縣東二里萬松山

任甲第

墓

在資陽縣北二里金字山前

李保歌墓

在資陽縣南南津驛斷碑猶存

趙達

墓

在資陽縣北五里

趙雄墓

在內江縣南十五里

范雍墓

在仁壽縣北一里

何舉墓

在仁壽縣西十五里天池山

虞允文墓

在仁壽縣西十里玉山鄉

咸墓

在仁壽縣北五里

程士孫墓

在仁壽縣北一百里金華山下

牟忻

墓

在井研縣金紫山下魏了翁有碑

班益墓

益官至丞相葬井研縣班舍溪 鄧若

水墓

在井研縣三峽山獅子峯下

明蜀定王墓

在仁壽縣東東溪山

何起鳴墓

起鳴歷官官保葬資州南十里玉几

山

李克嗣墓

在資州東二十里

馬炳然墓

在資州東十里

馬鳴鸞

墓

鳴鸞官大司馬葬資州西七十里

周冕墓

在資陽縣北五里

趙貞吉墓

在內江縣西

陰武卿墓

在內江縣南二十里

胡亨墓

亨官御史葬井研縣旁山

曾鐸墓

在井研縣城內鳳山右

胡榮墓

在井研縣城內鳳山

李時達墓

在井研縣

雷嘉墓

在井研縣東五里

直隸綿州

漢李業墓

在梓潼縣西五里上有二石闕范伯友墓在梓潼縣東六里有石闕人呼

為范侍

郎墓邊韶墓

在梓潼縣北西關外趙雍墓在梓潼縣北二里前有石闕

蔣琬墓

在綿州西八里譙周墓在綿州南十六里姜詩墓在德陽縣西三

里十安安墓

在德陽縣北四十里七賢墓在德陽縣西道旁姓名無考龐統

墓

在羅江縣西十里落鳳坡上諸葛瞻墓諸葛尚墓俱在綿竹縣西

里二

南北朝梁鄧永墓

在梓潼縣西北八里

宋張絃墓

張咸墓

俱在綿竹縣西北十五里

魏翥墓

在綿竹縣北二十里

張櫟墓

在綿竹縣北白雲菴

張衡墓

在綿竹縣西北三十里

張浚墓

在綿

竹縣北二十里

明陶文斌墓

在綿竹縣西北里萬歷時縣令

劉夔墓

在綿竹縣西七里永豐莊

劉宇烈墓

在綿竹縣西五里泥橋院

劉宇亮墓

在綿竹縣西二十五里馬

跪詹合墓

在綿竹縣北一里祥符寺後

陶以忠墓

在綿竹縣南十三里射箭

臺側

直隸達州

唐果老墓

在太平縣東二里

處士墓

在達州北十五里馬腦鼻山下其碑乃唐景龍

二年刻字畫道媚勢
第歐柳莫詳其名

宋景林洙墓

在達州西十五里

楊晨墓

在達州北三里碑刻東臯先生趙烈

女墓

在達州西北鳳凰山烈女峯下

四川通志卷二十九上

欽定四庫全書

四川通志卷二十九中

宮室

易稱大壯詩詠攸躋蓋自上棟下宇制肪於古而
堂廡之限等威之辨已寓於斯矣蜀自蠶叢杜宇
以來各有臨御之地至昭烈鼎興漢業則武擔之
陽遺址尚堪指畫而下逮唐宋之所新建王氏孟
氏之所經營以暨有明藩邸之所增修而嗣葺奢

侈儉約皆可考鏡而豈得概等於一畝之宮環堵之室謂是瑣瑣者無足紀錄耶作宮室志

周蠶叢故宮

在雙流縣南十八里有城古蠶叢氏都此宮址無存

魚鳧故宮

在溫江縣北十里有魚鳧城相傳古魚鳧氏都此宮址無存

望帝故宮

在郫縣北五十步古郫城昔杜宇都此晉時李雄
自稱益州牧亦都此宮址俱廢

楚王宮

在夔州府巫山縣東北一里楚襄王所遊地黃庭
堅謂即細腰宮前有一池今湮沒畧盡一云在女
觀山西畔小山頂三面皆荒山南望江山奇麗畢
攬

巴王故宮

在重慶府巴縣華陽國志武王封宗姬於巴爵之以子都江州即巴郡也宮室當在此

甘橘宮

在重慶府巴縣西江州故城內杜預左傳注江州故巴國都也華陽志舊城在巴水北有甘橘宮今宮址廢

蜀漢昭烈帝故宮

在成都府城內三國志章武元年昭烈即帝位於成都武擔山之陽山在今府治後章懷太子曰武擔山在縣北二百步按明蜀府建於其陽昭烈故宮當亦在此左太冲蜀都賦亦有議殿爵堂新宮武義虎威宣化崇禮諸宮名今俱無存

永安宮

在夔州府治東即今之府學蜀漢章武二年昭烈征吳為陸遜所敗還白帝改魚復為永安宮居之

諸葛亮受顧命於此入蜀記夔州城在山麓沙上
所謂魚復永安宮也按舊志永安宮在奉節縣東
卧龍山下誤

太子宮

在漢州東三里相傳係蜀後主禪行宮今改名太
子寺

晉成都王府

在成都府城內武帝太康八年封子穎於此故址

無考餘詳帝王志內

五代齊涪陵王府

在涪州西枳縣故城齊志有涪陵郡屬巴州即巴郡今重慶府中興元年寶融即位於江陵遙廢齊主寶卷為涪陵王蓋郡王也未至邲遇弒旋追廢為東昏侯

唐越王樓

在綿州西北唐太宗子越王貞為綿州刺史時建

杜甫詩綿州州府何磊落顯慶年中越王作孤城
西北起高樓碧瓦朱甍照城郭

滕王亭

在保寧府城北玉臺觀內滕王元嬰建杜甫詩君
王臺榭枕巴山萬丈丹梯尚可攀入云古牆猶竹
色虛閣自松聲

閬苑

在保寧府城內滕王元嬰刺閬州時建弘大擬於

宮苑

南樓

在保寧府城南據江山之會唐滕王元婴建一統志宋太守李獻清有南樓詩序

接王亭

在大邑縣北霧山相傳唐玄宗入蜀時駐此或曰孟昶所置

榮王府

在榮縣城西清富山前縣志相傳周榮公封國基
唐憲宗封皇子贇為榮王舊南安縣五十里尚有
遺址按古蹟志有榮王舊城在縣西宋光宗紹熙
元年詔以衛國公臘為皇子賜名貴誠亦封榮王
府邸今廢城址尚存

僖宗行殿

在新都縣北半里寶光寺後有遺礎方圓一丈二
尺高一尺八寸明御史盧雍有銘楊太史慎有詩

宣華苑

在華陽縣東南十二里故蜀王宮王衍宣華苑也
乾德元年以龍躍池為宣華苑今為貢院正殿基
即摩訶池

飛鸞閣

在華陽縣治蜀王衍建今圮

孟昶故宮

在成都府城中皇興考蜀孟昶僭擬宮苑城上盡

種芙蓉曰真錦城也其臣張立有詩云雖粧蜀國
三秋景難入幽風七月詩

明蜀王府

在成都府治南明洪武中為太祖第十一子獻王
封蜀時建舊址尚存

皇清康熙四年巡撫張德地具

題改為貢院又有永川內江德陽石泉汶川慶符南
川等七王府俱在城內今皆廢

壽王府

在保寧府城內舊志憲宗第八子封保寧府第方
四里易軍民居室千餘家徙縣學寺觀廟宇公署
數十區為之宮殿房屋八百五十間

申王府

在叙州府城內舊志憲宗純皇帝第十三子弘治
四年內受封初王邸建於叙州府未之國而卒嘉
靖中鬻邸得銀萬兩今圮其基為今之府學宮

四川通志卷二十九中

欽定四庫全書

四川通志卷二十九下

帝王

附后妃列
王明藩封

粵自昭烈鼎興，繼承漢業，益州遂為帝都。紫陽系以正統，不因偏安而抑之也。外此則不概見矣。然考崛起之所，自與警蹕之所，經則上溯神禹，下逮漢之二祖，唐之二宗，其在蜀之踪跡固彰彰焉。安得謂史冊燦然而一方之紀載可畧而弗述耶？至

於明章婦順佐理內治未始非王化之基而宗子
維城歷朝之藩輔亦猶有可考見茲皆附載於帝
王之後所謂以陽統陰以君統臣連而及之固其
所歟作帝王志

軒轅姓公孫母曰附寶感電光繞斗而有娠生帝於

軒轅之丘

在開封府
新鄭縣

因名軒轅氏以土德王故曰

黃帝至峨眉山見天皇真人於玉堂咨問三一

三才

合之道帝受其說終身弗違而天下治

少昊名摯已姓黃帝之子元囂也母曰嫫祖感大星

如虹下臨華渚之祥而生帝黃帝之世降居江水

地理志云岷山在蜀郡湔氐道西徼外江水所出今四川松潘衛即漢湔氐道也

有聖德

邑於窮桑

地名在兗州府魯城北

以登帝位故號窮桑氏又

以金德王遂號金天氏或曰宗師太皞之道故曰

少皞

顓頊姬姓黃帝之孫昌意之子昌意降居若水

漢志若水

出蜀郡旄牛縣徼外水經注若水出蜀郡旄牛縣徼外東南至故闕為若水今黎大所南有旄牛故城

即漢縣

娶蜀山氏女曰昌僕感瑤光貫月之祥生帝

於若水年十歲佐少昊二十即位以水德紹金天

氏為天子初國在高陽

在保定府

故號高陽氏

夏大禹黃帝五世孫

黃帝生昌意昌意生顓頊顓頊生鯀鯀生禹

父曰鯀

娶於有莘氏之女名修已見流星貫昴遂有娠而

生禹於石紐山

在龍安府石泉縣

堯時洪水方割四岳舉

鯀治之九載績用弗成於是舜舉鯀子禹使嗣鯀

之業禹乃勞身焦思居外十三年過門不入卒平

水患受舜禪以水德王

漢高祖皇帝姓劉氏諱邦沛人帝既滅秦為漢王王巴蜀漢中地時閭中人范目有恩信兼具方畧知帝必定天下說帝為募發實民要與共定秦地蕭何又發蜀漢米萬船給軍秦地既定封目為侯帝將討關東實民皆思歸帝嘉其功而難傷其意遂聽還巴實民天性勁勇初為漢前鋒陷陣銳氣喜舞帝悅之令樂人肄習之世所謂巴歛舞也

世祖光武皇帝諱秀長沙定王發之後起自民間

誅新莽中興漢室即帝位微時過江陽

今濶州地

有一

子留江陽望氣者曰江陽有貴兒氣莽求之縣人
殺之後世祖為子立祠謫江陽民不使冠帶者數
世

蜀漢先主昭烈帝諱備字玄德中山靖王勝之後涿
郡人建安十六年益州牧劉璋遣法正迎帝破張
魯是時帝為荊州牧立營公安十七年帝將步卒

萬人入益州會璋於涪十九年帝圍成都璋出降
帝乃自領益州牧而以璋領鎮威將軍印居南郡
二十三年帝進兵攻漢中破夏侯淵遂奄有漢中
諸臣上表言於獻帝尊帝為漢中王治成都二十
五年魏王曹丕廢獻帝為山陽公二十六年夏四
月丙午羣下奉帝上尊號即位於成都武擔山之
南改元章武元年秋七月帝東征伐吳次秭歸二
年夏六月帝師敗績冬十月引軍還魚復永安宮

三年夏四月帝崩年六十三諡曰昭烈皇帝葬惠陵

後主諱禪字公嗣小字阿斗建安十二年生於荊州二十四年先主進漢中王立為王太子章武元年冊為皇太子三年五月即皇帝位於成都改元建興歷十五年改元延熙歷二十年改元景耀歷六年共在位四十五年帝初嗣位年十七諸葛亮蔣琬費禕相繼輔政帝虛心倚任境內稱治亮琬

祿等卒後尚書令陳祗寺人黃皓表裏擅權魏遣
鄧艾鍾會侵之帝迎降遷於洛陽封安樂公

唐玄宗皇帝姓李氏諱隆基睿宗第三子初封臨淄
王景龍四年起兵討韋氏并其黨皆伏誅以功改
封平王睿宗既立冊為皇太子太極元年秋八月
睿宗傳位於帝帝即位天寶十五載安祿山犯關
六月帝出奔蜀七月至成都從者六軍至者千三
百人而已肅宗至德二載帝還西京

僖宗皇帝名儼懿宗第五子初封普王咸通十四年即皇帝位改元乾符廣明元年十二月黃巢入長安田令孜帥神策兵五百奉帝自金光門出惟福穆澤壽四王及妃嬪數人從行百官皆莫之知上趣駱谷鳳翔節度使鄭畋謁於道次請留鳳翔帝曰朕不欲密邇巨寇且幸興元徵兵以圖收復陳敬瑄遣兵奉迎請幸成都田令孜亦勸帝帝從之中元年帝幸成都光啓元年車駕還京師帝

在蜀凡五年

后妃

夏后塗山氏列女傳作後趙禹娶為后初禹來南妃作倚南候之曰候人兮倚而南言禹八年於外自此始也至後周之君臣取法焉以為周南召南正始之道王化之基也生啓及均塗山氏於是獨明教訓而使之化乃立庶子之官以翼之

蜀漢昭烈皇后甘氏沛人也修仁淑慎當陽長坂之

役帝為曹操追逼后賴趙雲保護得免難越數年
卒封為皇思夫人及太子禪即位追諡曰昭烈皇
后祔葬成都 李妃後主昭儀蜀既降魏魏以蜀
宮人賜諸將之無妻者昭儀曰我不能二三屈辱
乃自殺

宋章獻明肅皇后劉氏其先家太原後徙益州為華
陽人嘉州刺史劉通第二女真宗立為皇后

章惠太后楊氏益州郫人父知儼后年十二選入

真宗宮性甚通敏拜才人進淑妃真宗升遐遺詔
以為皇太后

昭慈聖獻皇后孟氏眉州防禦使元之孫女也十
六歲為哲宗后未幾禱祠事鞠捕獄成上詔廢后
天下冤之徽宗時詔居瑤華宮靖康之末六宮有
位號者皆北遷后以廢獨存聞康王在濟遣官迎
即帝位后性最儉尤謙謹忠厚史稱其賢

列王

蜀蠶叢氏昔黃帝為其子昌意娶蜀山氏女生子高

陽是為帝顓頊封其支庶於蜀歷夏商周至蠶叢

嗣為蜀侯周襄王時稱王治瞿上

今雙流縣瞿上鄉有蠶叢城

衣青衣勸農桑創石棺國人從之次王曰柏灌次

王曰魚鳧皆蠶叢氏之子魚鳧王田於蒲山忽仙

去蜀人為之立祠今成都府北有昇仙山

杜宇氏繼魚鳧之後教民務農時朱提有梁氏女

遊江源宇納為妃移治郫邑或治瞿上七國稱王

杜宇稱帝號曰望帝更名蒲卑自以功德高諸王
乃以褒斜為前門熊耳靈關為後戶玉壘峨眉為
城郭江潛綿洛為池澤以汶川為蓄牧南中為苑
囿會有水災其相鼃靈決玉壘山以除水害帝遂
委以政事法堯舜禪授之義遂禪位於鼃靈帝升
西山隱焉

開明氏名鼃靈既受杜宇氏禪嗣位治郫號曰叢
帝叢帝生盧帝盧帝攻秦至雍生保子帝帝攻青

衣雄張獠焚九世有孫開明尚始立宗廟以酒曰
醴樂曰荆色尚赤帝復稱王周顯王時蜀王有褒
漢之地因獵谷中與秦惠王遇惠王以金一笥遺
蜀王王報以珍玩之物物化為土惠王怒羣臣賀
曰天奉我矣王將得蜀土地惠王乃作石牛五頭
朝滿金其後曰牛便金蜀王悅使使請石牛惠王
許之蜀王乃遣五丁力士開道迎牛至不便金怒
遣還之初蜀王別封弟葭萌於漢中號苴侯命其

邑曰葭萌苴侯與巴王結好遂與蜀讎蜀王怒伐
苴侯苴侯奔巴求救於秦秦惠王方欲謀楚司馬
錯中尉田真黃皆請伐蜀惠王曰善周慎靚王五
年秋秦大夫張儀司馬錯都尉墨等從石牛道伐
蜀蜀王自將於葭萌拒之敗績走武陽為秦軍所
害其傅相及太子退至逢鄉死於白鹿山開明氏
遂亡

巴國子周武王既克殷以其宗姬封於巴爵以子其

地東至魚復西至轆道北接漢中南極黔涪其屬
有濮賓苴共奴獯夷蠻之蠻春秋魯桓公九年巴
子使韓服告楚請與鄧好楚子使道朔將巴客聘
鄧鄧南鄙攻而奪其幣巴子怒伐鄧敗之其後巴
師楚師伐申楚子驚巴師魯莊公十八年巴伐楚
克之文公十六年巴與秦楚共滅庸哀公十八年
巴人伐楚敗於鄧至戰國時嘗與楚婚及七國稱
王巴亦稱王其地與蜀接壤世有戰爭周顯王時

蜀王弟苴侯私親於巴蜀王伐苴苴侯奔巴巴為
求救於秦秦遣張儀等救苴遂滅蜀儀貪巴道之
宦田取巴執王以歸巴國遂亡

秦蜀侯通國姓嬴氏秦惠王子周赧王元年秦已得
蜀封其子通國為蜀侯以陳壯為相久之陳壯叛
殺通國秦遣庶長甘茂張儀司馬錯伐蜀誅陳壯
更封子惲為蜀侯惲祭山川獻饋於秦孝文王惲
後母害其寵加毒以進王王大怒遣司馬錯賜惲

劔使自裁憚懼夫婦自殺秦誅其臣郎中令嬰等
二十七人蜀人葬憚郭外更封綰為蜀侯綰聞憚
無罪冤死使使迎喪入葬之郭內其後十餘年王
復疑綰叛誅之但置蜀守張若因取笮及其江南
地焉

蜀漢魯王永梁王理姓劉氏俱昭烈皇帝子章武元
年昭烈即帝位於成都武擔山之陽五月立子禪
為皇太子六月立子永為魯王理為梁王三年帝

崩後主禪嗣位改元建興八年徙弟魯王永為甘陵王梁王理為安平王皆以魯梁在吳分故也延熙元年大赦改元立子璿為皇太子瑤為安定王七年四月安平王理卒子印嗣十五年立子琮為西河王十九年立子璜為新平王景耀二年夏六月立子諶為北地王恂為新平王虔為上黨王五年春正月西河王琮卒

北地王諶昭烈帝之孫後主第四子封北地王炎

興元年魏將鄧艾兵至成都後主遣使奉璽綬詣
艾降諶怒曰若理窮力屈禍敗已及便當父子君
臣背城一戰同死社稷以見先帝可也奈何降乎
後主不聽諶哭於昭烈廟先殺妻子而後自殺

晉成都王穎姓司馬氏武帝子太康八年受封十年
遣諸王假節之國督諸州軍事乃以蜀郡廣漢犍
為汶山十萬戶為王國易蜀郡太守號為成都內
史元康九年以成都王穎為平北將軍鎮鄴時蜀

中有趙廞之難未幾為李雄所據穎亦奔據不常
光熙元年頓丘太守馮嵩執穎送范陽王虓幽之
虓卒長史劉輿以穎素為鄴人所附恐復為變矯
詔賜死穎官屬皆逃惟盧志不去收而殯之

隋蜀王秀姓楊氏文帝子初封越王改封蜀王開皇
元年九月以秀為益州總管二年為西南行臺尚
書令元巖為之長史元巖卒秀漸奢僭車馬被服
擬於乘輿及晉王廣為太子秀意甚不平太子恐

為患陰令楊素求其罪而譖之帝遂徵秀旋以獨
孤指為益州總管馳傳代之秀至長安帝使使切
讓之付執法者開府慶整入諫帝大怒欲斷其舌
因廢秀為庶人幽之竟瘐死秀在蜀多惠政蜀民
思之今什邛南山下有隋帝子蜀王廟

唐魯王靈夔滕王元嬰姓李氏皆高祖之子武德貞
觀間相繼為閬州刺史靈夔務行寬大民甚懷之
垂拱中為武后所害元嬰於閬州有亭在玉臺觀

內滕王之文書遺跡存焉

越王貞太宗第八子顯慶中為綿州刺史善騎射
涉書史有吏幹改作城壘嘗創望江樓於江濱垂
拱中同其子瑯琊王冲謀匡復不克與韓王元嘉
霍王元軌魯王靈夔等並為武氏所害且削其屬
籍更姓虺氏

漢中王瑀讓皇帝之子女陽王珽之弟初肅宗詔
收羣臣馬助戰瑀與魏少遊持不可帝怒貶蓬州

長史或云為蓬州刺史

穎王璈明皇子天寶初除蜀郡大都督節度使明
皇幸蜀令璈赴郡以崔圓副之璈性節儉渡涪江
見以綵緣席為藉者璈曰此寢具也奈何踐之急
命撤去視事踰月人便其寬圓以璈不加禮於已
銜之奏罷還京

明藩封

後附分封諸
王蜀賢妃

蜀獻王名椿明太祖第十一子母郭惠妃洪武四年

生十一年封二十三年就藩成都王博綜典籍容
止都雅帝呼為蜀秀才既至國日接儒生討論經
史聘漢中教授方孝孺教世子延元儒清風先生
楊敏俱待以賓師之禮賜田百頃發祿米贍郡教
博嘗以所學發為文詞根據理要皆宿儒所不及
永樂二十一年薨諡曰獻所著有獻園集

悼莊世子名悅煥獻王子未襲封而薨諡曰悼莊
靖王名友捐悼莊世子子永樂二十二年嗣宣德

六年薨諡曰靖

僖王名友璫靖王弟宣德七年以羅江王嗣九年
薨諡曰僖

和王名悅熈僖王叔宣德十年以保寧王嗣天順
五年薨諡曰和

定王名友瑄和王子天順七年嗣好學循理工詩
賦善草書是年薨有文集十卷諡曰定

懷王名申鉉定王子天順八年嗣成化七年薨諡

曰懷

惠王名中鑿懷王弟成化七年以通江王嗣尊賢禮士好學能書有惠園集弘治六年薨諡曰惠

昭王名賓瀚惠王子弘治七年嗣正德三年薨諡曰昭

成王名讓栩昭王子正德四年嗣時昭王早逝王年甚幼得母劉太妃之教勤於學問著有適菴韻對長春競辰稿諸書嘉靖十七年守臣言王賢勅

賜忠孝賢良坊以示旌異嘉靖二十年上白金助修宗廟加祿米二百石玉帶一二十六年薨

康王名承燭成王子嘉靖二十六年嗣嘉靖三十七年薨諡曰康

端王名宣圻康王子嘉靖四十年嗣天姿敦厚敬神恤民每遇旱暘步禱輒雨捐料價以營宗學發帑粟以賑饑民征蠻征播俱捐俸助餉萬厯二十二年勅賜忠孝懋著坊以示旌異所製有端園集

萬曆四十年十一月薨諡曰端

嗣王名奉銓端王子萬曆四十三年嗣尋薨子至
澍嗣崇禎甲申秋獻賊掠川巡按劉之渤監紀同
知方堯相泣請借餉守城王不允堯相怒憤死金
水河獻賊攻成都王先數日出舍社稷壇井側聞
賊入城遂投井死丘妃隨王投井宮人素馨亦赴
井死

分封諸王

華陽王名悅燿獻王庶長子永樂二年封初獻王
長子悅燿卒嫡孫友瑁嗣位燿以尊屬謀奪嫡走
京師誣友瑁仁宗怒曰悅燿虧忠孝懷奸讒歸蜀
終亂其國洪熙元年遷湖廣澧州

內江莊懿王名友瑋和王第二子正統十一年封
正德七年薨子甲錦卒孫康靖王賓沚嗣沚薨子
讓扮卒孫承熒嗣熒薨子恭穆王宣璫嗣璫薨子
奉釗卒次子奉鑑嗣

德陽僖安王名友城和王第三子正統十一年封
成化十一年薨子恭裕王申鉉嗣鉉薨次子榮康
王賓澐嗣澐薨無子姪讓桔及子承煥未封卒煥
次子奉鈞嗣

石泉榮穆王名友墳和王第四子天順四年封正
德六年薨子恭簡王申鏞嗣鏞薨子康惠王賓清
嗣清薨子讓機卒孫承煥嗣

汶川懿簡王名友塘和王第五子天順四年封成

化九年薨子榮康王申銷嗣銷薨子賓潼卒次子
恭僖王賓沙嗣沙薨子讓抱卒孫安惠王承炯嗣
炯薨子宣雅嗣

慶符恭僖王名友標和王第六子天順八年封弘
治十八年薨長子卒次子端順王申鑑嗣鑑薨子
恭和王賓沾嗣沾薨長子卒次子康定王讓儀嗣
儀薨子承鰲嗣

南川安靖王名申鋸定王第四子成化七年封嘉

靖十一年薨子賓愍卒孫讓樺嗣樺薨子承燦卒
孫康僖王宣耀嗣耀薨子奉銖嗣銖薨子至湘嗣
壽定王名祐楮憲宗純皇帝第九子弘治四年封
保寧十一年之國既而有癭疾謂水土所致疏乞
改遷十七年遷於湖廣之常德嘉靖二十四年薨
申懿王名祐桎憲宗純皇帝第十三子成化二十
三年生五歲受封是為弘治四年建王邸於敘州
府未之國十六歲卒

江安莊裕王名宣址康王第二子嘉靖四十一年
封萬厯二十五年薨子奉鈔嗣鈔薨第三子至沂
嗣

東鄉王名奉鏐端王第五子萬厯三十四年封
隆昌王名奉鐸端王第七子萬厯三十四年封

富順王名至深嗣王奉銓第二子萬厯四十四年
封

太平王名至淶嗣王奉銓第四子萬厯四十四年

封

蜀賢妃

和王妃徐氏成都中衛人徐諷女天順元年冊立
賢聲素著王有疾侍藥極誠敬居王憂日夜號泣
不已絕飲膳七日而薨天順間賜諡盡節

昭王妃劉氏寧川衛百戶劉明第五女柔順貞肅
親主中饋執女紅王稍不豫輒自裁損飲食愈後
乃如常言笑不苟遇下有容宮中整肅自王薨後

成王尚幼保愛以慈教訓甚嚴竟成令德及薨國
人聞者皆泣下

成王妃何氏溫江人廩生何世昂女正德十一年
選冊封孝敬性成卓有儀範

僭竊

漢公孫述

字子陽扶風人初為導江卒正乘赤眉之亂詐稱漢使假以輔國將軍選精兵入成

都僭稱成帝光武遣岑彭討之述遣人刺殺彭其後吳漢攻成都述兵饑餒漢令壯士突之刺述洞

死胸

板楯蠻

桓帝光和間板楯叛攻害三蜀據漢中州郡連年苦之帝欲大出師乃問益州上計

吏程包以征討方畧包以板楯先世功忠近乃為賦役所逼但選明能牧守自然安集帝從其言遣

太守曹誼宣詔赦之乃降服

馬相

靈帝時聚疲民數千亦號黃巾旬月之間眾至數萬殺綿竹令及刺史郡險進拔雒

縣又陷蜀郡徙為自稱天子破巴郡殺郡守從事賈龍先領兵數百糾合吏民攻相斬之

劉焉

竟陵人魯恭王之後中平中為益州牧以小惠結人撫納離叛久之僭擬乘輿初平

四年卒子璋領益州牧建安十六年降於昭烈後卒於吳

蜀漢雍闓

益州郫民大姓章武三年先主崩聞關越為帥高定元儗叛乃遣應之殺太守正昂

人執張裔獻於吳孫權遂拔閬以永昌太守閬又
結連寧孟獲為亂丞相亮南征閬與定元軍合亮
以計問之定元部曲殺閬亮旋斬定元於
孟獲凡七虜七赦以服其心諸郡遂平

魏鍾

會

字士季潁川人為魏將既滅蜀惡鄧艾專
制誣奏艾反詔以檻車徵艾會獨統大眾

送與姜維謀策長安不果乃發兵聲言討司馬昭
亮聞諸將於曹屋中以親信代之維亦欲會盡殺
亮來諸將已因殺會復立漢帝謀泄將軍胡烈子
率兵鼓譟倚梯登城所聞諸將皆緣屋出與鄧
艾會因格斬維
死者數百人

晉王

富

蜀軍士有罪逃匿奉始四年結亡命刑徒
數百人起臨邛轉侵江原江原方畧吏李

姓者以計縛富送州刺
史董策斬之衆潰散

張

弘

益州人為牙門將刺史皇甫晏並抄掠百姓

晏主簿何攀詣洛以狀聞詔以王

洛為益州刺史督兵討弘斬之

陳

瑞

健為人以鬼道惑眾作朱衣素帶朱幘進賢冠自稱天師聚眾以千數將謀不軌益

州刺史王濬擒而誅之焚其廬舍

趙

廐

為益州刺史以晉政衰懷異計乃發倉賑饑以收眾心朝議以服滕代廐廐遣兵攻

滕斬之遂自稱大將軍益州牧以李特弟庠所部多勇壯厚遇之使斷北道既而忌庠斬於會所恐

特等為變復令特為督特忌廐進攻成都廐敗走死

李

雄

字仲雋父特有武幹雄亦以烈氣聞人多歸之據成都稱王後遂稱帝以姪班為副

雄子期弒班自立從父壽復殺期壽卒子勢嗣勢驕淫不道晉桓溫伐之勢窮感降

李

洪

自稱李勢子太和中乘佛與以五采裏青石旌百姓云天與已玉印當王蜀刺史劉

季連遣衆軍李奉伯討之新洪

范 貢

范長生子初長生為李雄國師民愛之穆帝永和三年李洪遣黨隗文等復叛據成

都推貢為主貢因僭帝號平西將軍周撫擊斬之

司馬勲

穆哀時為梁州刺史有據蜀之志惟憚周撫撫卒遂舉兵反自號成都王引兵入劍

閣圍成都太和元年征討都護朱序及益州刺史周楚擊斬之

譙

縱

南充人為益州參軍刺史毛璩將東討桓振蜀人不樂遠征逼縱為主遂殺璩義熙

八年以朱齡石為益州刺史帥兵討之進逼成都縱棄城出走往投其將譙道福於涪城不納縱乃自縊死齡石入成都獲縱宗親悉誅之

南宋司馬飛龍

本姓許名穆之元嘉中益州刺史劉

資以兵使援益州飛龍攻殺巴興令逐陰平太守道濟遣軍擊斬之

程道養

陽泉寺道人也初益州人趙廣與帛氏奴相善劉道濟欲以帛氏奴梁顯為叅軍督

護費謙固執不與氏奴遂與廣等詐言司馬飛龍猶在陽泉山聚衆數千攻陷涪城進攻成都賊衆不見飛龍欲散去廣乃詣陽泉逼道養使言是飛龍於是推為蜀王道濟令裴方明擊破之已而糧

蜀方明敗走元嘉十年二月道養郊天方明襲破賊衆巴東太守周籍之帥衆援成都與方明合斬道養弟道助九月甄法崇為益州刺史收費謙正其罪道養逃入鄆山時出為冠寧朔將軍蕭江之討平之

梁劉季連

南齊時為益州刺史至梁天監元年武帝以鄧元起代季連季連與元起有舊隙心不自安遂矯稱齊宣德太后令舉兵恢復久之食盡計無所出武帝詔受季連降季連遂詣建康入東掖門數步一稽顙帝赦為庶人

焦僧護

益州人天監四年聚衆作亂初蕭淵藻伐鄧元起為刺史以私隙誣元起反殺之僧護乘此搆煽時淵藻年未弱冠自將兵擊之不避矢石斬僧護衆悉平

蕭

紀

武帝子封武陵王為益州牧大殖貨利聞相東王立亦自立為帝將兵東下江陵元

帝乞援於魏魏遣尉遲迴襲破成都紀進退無據元帝遣侯叔討之紀為樊猛所殺

唐段子璋

梓州刺史驍勇善戰明皇幸蜀時有功上元二年東川節度李奐奏替之子璋遂舉

兵過遂州殺刺史號王巨奐與戰敗奔成都子璋自稱梁王改元黃龍據綿州成都尹崔光遠率將花驚定與奐共討平之

崔

肝

漢州刺史擊吐蕃有功嚴武甚重之武卒肝請以大將王崇慶為節度會朝廷已除

郭英又英又至誣崇慶以罪誅之召肝還成都不至英又攻之敗奔簡州韓澄殺英又送首於肝牙將栢茂琳揚子琳李昌巖各舉兵討之蜀中大亂以杜鴻漸為東西南川副元帥鴻漸令肝與茂琳等

罷兵及鴻漸還朝薦肝才可任肝亦入朝加尚書賜名寧時揚子琳乘虛襲成都寧妻任氏出家財募兵擊走之寧尋還鎮建中四年德宗幸奉天寧至行在朝廷乃遣中使縊殺之

劉

闢

闢由進士累官西川度支副使節度韋皋卒闢自為留後憲宗新即位未暇致討以為

節度副使闢益肆求統三川不許遂發兵圍梓州朝廷遣高崇文與李元奕嚴礪等討之破鹿頭關直指成都拔之闢走吐蕃崇文使高霞寓追擒闢送京師斬之

郭

琪

西川黃頭軍使廣明二年僖宗幸蜀田令孜頒賜從駕軍不及蜀軍琪言於令孜令

孜怒欲殺之琪率所部作亂節度使陳恭瑱率諸軍擊之琪敗奔廣陵投高駢惟兵一人隨之琪愧歎乃解劒印命歸示恭瑱以為死云

阡能

邛州牙官因公事違期亡命為盜蜀人羅渾擎句胡僧羅夫子韓求各聚眾應之至

萬餘人橫行邛雅陳敬瑄使高仁厚討之仁厚得能諜者溫言論遣使歸語賊眾許以歸降悉免死賊眾聞之解體尋擒羅渾擎諸寨皆降執句胡僧斬韓求能乃與羅夫子悉眾決戰眾不應仁厚軍至眾羅拜迎之凡出軍六日五賊皆平械送能與羅夫子於敬瑄敬瑄寸磔之

韓秀昇

涪州刺史僖宗在蜀秀昇與屈行從眾斷峽路遮江淮貢賦及雲安涪井之鹽陳

敬瑄奏以高仁厚為行軍司馬討之仁厚覘知賊精銳在舟老弱守寨乃揚兵江上賊挑戰不應潛遣勇士焚其寨又募善泅者鑿其舟相繼沈賊眾執秀昇行從以降械送行在斬之

楊師立

中和間為東川節度使高仁厚討韓秀昇陳敬瑄許以東川賞其功師立聞之怒朝

廷敬之不應舉兵屯涪城聲言討敬瑄詔以仁厚討之仁厚屢以伏兵敗其將鄭君雄等進圍梓州尉書城中諭以順逆君雄遂率眾殺師立其首出降乃詔授仁厚東川節度

王

建

字先國項城人為神策軍使僖宗幸蜀有扈從功擢劍州刺史遂召募峒首襲閬獮

之後因討陳敬瑄拔成都自稱留後詔授西川節度尋封蜀王朱全忠篡唐建移徽興復天福中遂稱帝唐舊臣避亂在蜀者建禮用之建卒子衍嗣為安無度宮中无為喪慢唐遣皇太子繼岌郭崇韜伐之行迎降後為唐所戮

孟知祥

字保裔祁州人晉王李克用愛其勇使典親軍莊宗立詔授西川節度會李嚴監西

川軍知祥斬之與東川節度董璋併力拒朝廷後又殺璋謝罪進封蜀王閔帝元年遂稱帝知祥卒

子昶嗣宋太祖命王全斌等伐蜀大破之昶降

後唐康延孝

同光三年隨郭崇韜平蜀有功會崇韜

德延孝曰朱郭皆無辜族滅行及我矣遂自稱西川節度擁衆五萬招討副使任圜討之延孝戰敗入漢州閉城不出圜攻拔之延孝走綿竹擒送京師

宋全師雄

孟蜀文州刺史蜀亡歸宋乾德三年王全斌等在蜀縱軍掠民詔發蜀兵赴汴給錢

及廩食又不即奉命蜀兵憤怨行至綿州推師雄為首朱光緒遽滅師雄族師雄怒攻彭州據之自稱興蜀大王兩川震動曹彬等力戰乃破師雄於新繁全斌等繼之師雄走死東川因分道招輯始平其衆

王小波李順

俱青神民也蜀亡後庫積悉輸汴京任事者競起功利蜀地狹民稠貧不

能給浮化四年小波因聚衆爲亂貧者爭附攻青神掠彭山殺貪汙官吏都巡檢張玘戰於江原射殺小波玘亦死之其黨推小波妻弟李順爲主攻陷成都分寇劍州劍州都監上官正與成都監軍宿翰合兵擊破賊衆王繼恩等亦斬賊三萬餘級獲順磔之餘黨仍肆攻掠繼恩等頓師不進詔以張詠知益州詠至激軍校以忠義由是官軍前進大致克捷餘賊悉平

王均

益州兵馬都虞候也初符昭壽侵虐部伍咸平三年衛卒趙廷順等推均爲主攻漢

州綿州陷之劍州知州李士衡知蜀州楊懷忠合兵擊賊廷順中流矢死均敗走十月均復分路襲官軍雷有終等逆擊大破之均乘夜逃竄石普追斬之

譚汝翼

施州土民也淳熙四年汝翼乘知州田汝弼新喪率衆掠黔江與田氏家衆戰於太

平驛斬田氏數十級州人震恐詔以林栗知夔州栗至大破其衆執汝翼俘於京

吳曦

嘉泰二年為四川宣撫副使獻階成和鳳四州於金封為蜀王曦據興州三年二

月隨軍轉運使安丙監興州合江倉揚巨源興州中軍正將李好義同謀誅曦是月乙亥黎明好義率衆入偽官稱奉詔誅賊李貴斬曦首盡收其黨殺之傳首臨安好義等復和成等州

張福

興元軍士也嘉定十二年與其黨莫簡等作亂以紅巾為號陷利州大掠果聞乃以

安丙為宣撫使丙至築長圍困其衆絕樵汲福窮蹙請降械送京誅簡等一千餘人賊黨悉平

元囊嘉岱

蒙古人泰定間為四川行省平章至治元年據蜀反自稱鎮西王天歷元年攻陷播

州尋據荊州逼襄陽文宗為皇太子遣使赦襄嘉盛
罪囊嘉盛歸命蜀地平後以囊嘉盛常指斥乘輿棄市
籍其家

明玉珍

隨州人至正中間徐壽輝兵起率眾歸之
乙未夏入蜀買糧值青巾之亂遂襲取重

慶尋拔嘉定開陳友諒弒壽輝遂自稱隴蜀王壬
寅稱帝國號夏玉珍卒子昇立明洪武初遣使招
諭昇久不決後命湯和等伐之時廖永忠等由水
道攻夔門昇悉力守禦而傅友德破秦州入綿漢
以油塗木牌書克漢州月日投江而下永忠等士
氣百倍克夔關趨重慶昇乃降昇將戴壽守成都

至是亦降明
封昇歸義侯

明彭普貴

蜀妖人也洪武中煽土民作亂破指揮
音亮兵勢益張平羌將軍丁玉討平之

趙

鐸

德陽人天順中妖僧侯昇等聚黨肆掠鐸因之設謀主號召數千人自稱趙王都督

僉事何洪都指揮劉雄楊瑛皆戰沒朝廷遣官招降已而復叛成化元年巡撫汪浩用綿竹義士王志恭策遣軍助之大破鐸衆追至江油縣擒斬之

藍廷瑞

營山人正德三年與湖廣崔蓬頭及大寧

李陸斬蓬頭廷瑞率餘黨攻巴縣尋劫營山殺僉事王源巡撫林俊招之降而總制洪鐘邀殺廷瑞本起等林俊致仕去廖麻子復屠劍門陷利州梁山等處尋亦受撫被殺同時保寧賊劉烈江津賊曹甫方四麻六兒等亦相繼劫掠官軍先後討平之

駱松祥

內江人與成都衛舍人范藻相繼叛亂未幾就戮

張教焦珙劉芳

俱茂州人正德八年參將徐勇督修城塲甚刻酷教等執挺逐勇執

指揮萬嘉言索勇銀七百乃釋之後復圍城殺旗舍廖一受等官軍擒斬之

薛來保

德陽巨盜也川西北羣盜皆附之橫行郡縣已而間行入省窺虛實為邏卒趙月興

所執道院訊實斬之後月興往中江為其黨所殺家人訴於縣縣令集兵往羣盜負嵎有一盜傷踵

羣盜推之下曰以此償汝縣兵不敢追縛跛盜歸

周天星周天和

鄆藍餘黨合流民張東陽以叛詔總兵何卿兵備林豫討平之

周嘉

江津人與弟虎彪以白蓮教惑眾嘉靖四十四年作亂與蔡伯貫等相應巡撫劉自

強遣百戶李茂調蒙溪土兵討平之

黃中

石碓司人其父俊據支羅寨劫奪後伏誅中減死充戍逃歸招集亡命劫奉節雲陽

等縣巡撫劉自強奏請川湖合勦川軍進午攔坪楚軍自施州衛入中為楚軍所獲川軍破其巢穴

支羅平

蔡伯貫田統

俱大足人與富順黃一元傳習陽曲妖人李桐白蓮邪教嘉靖四十四年

聚黨攻破大足銅梁等縣僉事傅思明通判郭雲鳳討平之詔磔伯貫及其黨於成都市

何勉

通江人陸慶中與弟姪及汪鐵鎚大鷄子小鷄子滾子等聚眾萬條大肆劫掠川陝

勦陽三撫臣調兵合勦悉平之

楊應龍

播州土司自唐時祖居於播凡二十九世矣應龍生而嗜殺隆慶中襲職從征諸番

有功萬歷中賜飛魚服應龍漸驕蹇寵妾屠妻家在州專執肆行劫掠妻叔張時照等告變朝廷行川貴兩省會勘至二十三年羈其子可棟於重慶追以賄銀會可棟死應龍乃反二十八年節制川湖貴總督李化龍調總兵劉綎馬孔英吳廣等與黔撫楚撫八路進兵綎身先士卒進克土城應龍自焚吳廣獲其子朝棟及其弟兆龍妾田氏等八路兵斬賊二萬餘級獻俘闕下詔封應龍屍殺朝棟等分其地為二府屬黔州曰平越屬川曰遵義今並隸貴州

呂由鍾等處有天鼓地震之異又值白蓮教煽亂

鍾乘機聚眾四千餘人偽署守備欲犯會城內江令楊應登以計擒之解散其黨由鍾服上刑

吳

洪

播州人楊應龍黨後逃避貴州見改土設流法嚴不得自逞乃與盧文政劉堯等推

應龍姪揚三老為主以偽檄招兵兼署官職遵義
生員彭廷詔等告變兵備傅先宅知府蔡鳳梧總
兵李應祥
共討平之

奢崇明

永寧宣撫司奢孝忠無子崇明以族人得襲職性陰鷙子寅尤狠戾共謀不軌天啓

元年奉調遠征至重慶巡撫徐可求點閱行賞寅
出不意殺可求并巡道等數十員率衆攻成都巡
撫朱變元禦之又檄監軍道徐如珂等各集土司
兵圍重慶賊石砮司秦氏亦以兵會賊遁走水西
與安邦彥連兵抗拒時變元已晉總制合
黔楚蜀兵會剿三年擒斬二逆水蘭悉平

張獻忠

膚施人從苗美王嘉印等作亂尋自號八
大王受撫復叛劫掠楚蜀間崇禎甲申夏

率衆數十萬由夔門直入攻重慶殺巡撫陳士奇
等九月陷成都蜀王赴井死獻忠偕大號偽署守

令屠戮蜀中紳士於萬里橋行盡勅法分佈賊黨搜獲各郡邑男婦少長悉戮之又欲殺蜀人之附營者於是棄成都移屯順慶營於金山鋪鳳凰山開

大清兵至秦欲再據川北以絕餉道肅王入蜀遣數百騎從間道擣賊營獻忠額中一矢伏積薪下曳出斬之餘賊奔潰

國朝袁韜

沔縣人先是蜀賊姚天勳黃龍聚黨劫掠韜亦聚響馬賊數千與姚黃接踰乘獻賊

之亂掠川東北所至焚燬殺老幼開墳墓時值饑疫賊以人為食順治二年巡撫李國英大破賊衆韜依楊展尋殺展據川南後隨獻逆餘黨歸黔黔事敗韜亦死

十三家

袁宗第郝搖旗等皆獻逆餘黨盤據夔東總督李國英合諸道兵進剿悉誅之

譚

弘

萬縣人亦十三家之一見勢不支赴總督李國英投誠康熙十三年弘復附吳逆以

叛庚申春川督楊茂勲等攻之懼而歸命是秋又叛將軍噶爾漢克雲陽弘已死執其子天祕斬之

王公良

吳三桂逆黨甲寅率偽將據夔州府川督楊茂勲統舟師直抵夔城羣逆走死

劉文秀

逆獻義子也與索韜爭嘉定屢戰勝韜遂據蜀後數年官軍討平之

盧名臣

劉文秀裨將盤踞重叙馬湖陳德葛朝忠率官軍水陸並進賊走死三郡悉平

吳之茂

吳三桂族子駐兵白水庚申春將軍楚良棟率官軍討之茂乃降後伏誅

胡國柱

吳三桂之壻庚申五月踞關山相嶺趙良棟與紀哈禮鄒九疇等三路進剿良棟夜

遣壯士直上關頂揮戈力戰遂復關山相嶺又戰於大渡河前後斬獲甚衆賊走雲南後自焚死

王屏藩

逆桂偽總督庚申率衆陷漢中據保寧奮威將軍王進寶討之戰於武關屏藩大敗

走歸保寧自縊死進寶

進攻保寧餘衆悉降

按吳逆之變其時從賊諸臣如吳一元者本山東莒縣人順治十一年為四川右布政康熙十三年

從逆受偽職賊以子姪蓄之鄭蛟麟者遼東人順

治十七年任四川提督後從賊授總統大將軍康

熙十九年恢復四川時蛟麟已死葬西河斷棺

戮其屍羅森者直隸大興人康熙十年任四川巡

撫後行偽職今職官志內

俱已削其名氏附見於此

四川通志卷二十九下